

ELÆOSACCHARUM CINNAMOMI.

Pulvis cordialis.

Rec. *Olei Cassiæ* guttas sedecim,
Cinnabaris rubræ pulveratæ drachmas
 duas, p. 1.
Sacchari albi pulverati unciam p. 4.
 Miscentur terendo et in vase, bene clauso,
 servantur.

Eodem modo parantur, sed non nisi usu
 urgente et sine addita Cinnabari, e reliquis
Ætheroleis, Elæosacchara.

ELATERINUM.

Rec. *Elaterii albi* quantum vis,
Spiritus concentrati triplum pondus.
 Digeruntur in vase clauso per nycthemeron;
 residuum non solutum, a solutione spirituosâ
 colando separatum, cum nova Spiritus copia
 iterum digeritur, quæ colatur. Liquores spiri-
 tuosi in balneo aquæ ad syrupi spissitudinem
 vaporando rediguntur et, etiamnunc calentes,
 in *Aquam destillatam* bullientem infunduntur.
 Quæ inter refrigerationem aquæ deponuntur cry-
 stalli, primum *Aquâ destillatâ* frigidâ, dein
Æthere lavandæ sunt, siccandæ et servandæ.

ELECTUARIA.

Enixe terendo parata in vasis vitreis vel fi-
 gulinis natro vitreatis vel porcellaneis, bene ob-
 turatis, loco frigido reponuntur.

ELECTUARIUM MANNÆ.

- Rec. *Mannæ electæ*,
Sacchari albi pulverati.
Aquæ Foeniculi, singulorum uncias duas p. 16.
 Mixta exprimendo colantur; deinde admiscuntur
Iridis florentinæ radicis, in tenerum pulve-
 rem tritæ, drachma, p. 1.
Olei Amygdalarum recentis uncia . . . p. 8.
-

ELECTUARIUM MYRRHÆ COMPOSITUM.

- Rec. *Myrrhæ electæ*,
Sanguinis Draconis,
Catechus, singulorum pulveratorum drach-
 mas tres, p. 3.
Saponis albi hispanici rasi unciam . . p. 8.
 Teruntur in mortario vitreo vel lapideo cum
 sufficiente *Spiritus diluti* quantitate, ut fiat massa
 uniformis, spissitudinis extracti mollioris; deinde
 adduntur
Caryophyllorum pulveratorum uncia, p. 8.
Mellis depurati uncia quattuor . . . p. 32.
 Miscuntur, bene iterum trititando.
-

ELECTUARIUM SCORDII.

loco *Diascordii*.

- Rec. *Opii levantici* drachmam unam et semis, p. 3.
Tormentillæ radicis,
Pechurim fabarum,
Catechus, singulorum uncias duas, . . p. 32.
Scordii herbæ uncias tres, p. 48.
Mellis depurati uncias viginti et octo p. 448.
Opium, cum *Vino de Malaga* tritum, additur
 Melli paullulum calefacto, cui cetera, in pulve-
 rem redacta, admiscuntur.
-

ELECTUARIUM SENNÆ.

loco Electuarii lenitivi.

- Rec. *Coriandri seminum* pulveratorum unciam
 dimidiam, p. 1.
Sennæ alexandrinæ pulveratæ uncias quat-
 tuor, p. 8.
Syrupi Sacchari uncias octo, p. 16.
Pulpæ Tamarindorum depuratæ libram p. 24.
 Miscentur.
-

ELIXIR AMARUM HJÆRNERI.

- Rec. *Specierum amararum Hjærneri* uncias
 tres, p. 1.
Spiritus diluti libras duas p. 8.
 Per triduum inter agitandum digesta colantur.
-

ELIXIR STOMACHICUM TEMPERATUM
HOFFMANNI.

Elixir viscerale vinosum Hoffmanni.

- Rec. *Extracti Absinthii*,
Extracti Cardui benedicti,
Extracti Centaurii minoris,
Extracti Gentianæ, singulorum unciam di-
 midiam, p. 1.
Tincturæ Aurantii unciam, p. 2.
Flavedinis Aurantii concisæ uncias duas, p. 4.
Vini de Malaga libram p. 24.
 Per triduum inter agitandum digesta colantur.
-

EMETINA.

- Rec. *Ipecacuanhæ radici*s pulveratæ partem unam,
Aquæ destillatæ, *Acido sulphurico destillato*
 paullum acidulatæ, partes sex.

Per diem noctemque inter agitandum digesta et deinde refrigerata colantur. Colatura, additâ

Calcis ustæ, affusâ Aquâ, primum in hydratem, dein in pulvem conversæ, parte unâ,

ope balnei vaporis ad siccum redigitur; massa sicca et pulverata cum

Spiritu concentrato

decoquitur, quamdiu aliquid ab eo solvatur, quod colatum, destillando et vaporando, ad formam siccam est redigendum.

Quæ sic obtinetur Emetina, minus pura, in parva quantitate *Aquæ destillatæ Acido sulphurico destillato* acidulatæ, solvenda est, coquendo cum *Carbone animali* a materia colorante liberanda et e solutione colata, vaporando concentrata, ope *Ammoniaci caustici* præcipitanda. Quod fundum petit, colo colligitur, Aquâ destillatâ frigidâ eluitur et siccatum in vase, bene clauso, servatur.

EMPLASTRA.

Parantur emplastra partibus, quibus conficiuntur, ad temperaturam $+100^{\circ}$ C. haud superantem, liquefaciendis ac miscendis; ubi major caloris vis in emplastro quodam conficiendo requiritur, ibi in formula ejus id expressis verbis præscriptum invenies.

Parata vel in capsulis refrigerantur vel, si id non præscriptum fuerit, etiamnunc mollia manibus, bene lotis et aquâ humectandis, in magdaleones formantur et in cistulis vel ligneis vel e ferro laminato albo confectis atque, quantum fieri potest, clausis, servantur loco frigido nec humido.

Illa,

Illa, quæ substantias herbaceas, Extracta vel Cantharides continent, priusquam servantur, aëris tepidi contactu siccanda sunt, ne mucorem contrahant.

Olygrythi an. margaritiferae blycaid.

EMPLASTRUM ADHÆSIVUM.

Rec. *Cerussæ albæ* libram dimidiam, p. 2.

Lithargyri præparati libram sesquial-
teram, p. 6.

Olei Olivarum communis libras tres . p. 12.

In aheno capaci mixta ad modicum ignem, spatulâ continue agitando et Aquam destillatam fervidam subinde canteque admiscendo, coquantur, ut fiat emplastrum, cui, post humidi consumptionem, admiscentur

- *Resinæ flavæ* liquatæ et colatæ uncia novem p. 3.

EMPLASTRUM ASSÆ FOETIDÆ COMPOSITUM.

Emplastrum foetidum.

Rec. *Ceræ flavæ* uncias duas, p. 2.

Emplastri plumbici uncias novem . . . p. 9.

Simul liquefactis et paulum refrigeratis cribrando admiscentur

Assæ foetidæ,

Galbani, singulorum pulveratorum uncia
quattuor p. 4.

Fit emplastrum.

EMPLASTRUM CALAMINÆ.

Emplastrum e Calaminari lapide.

Rec. *Sevi bubuli curati,*

Terebinthinæ communis, singulorum drach-
mas sex, p. 3.

- Ceræ flavæ* uncias duas et semis, . . . p. 10.
Emplastri plumbici libram p. 48.
 Liquefactis et colatis adjicitur
Calaminæ preparatæ libra; p. 48.
 quibus mixtis fit emplastrum.
-

EMPLASTRUM CANTHARIDUM.

Emplastrum vesicatorium.

- Rec. *Ceræ flavæ*,
Resinæ flavæ,
Sevi ovilli, singulorum uncias quattuor p. 2.
 Liquefactis et colatis inter agitationem perpetuam sensim et exacte admiscuntur
Cantharidum recenter et subtilissime pulveratatum uncia sex p. 3.
 Per horæ quadrantem liquata habentur et inter agitandum refrigerantur.
-

EMPLASTRUM CANTHARIDUM CAMPHORATUM.

- Rec. *Camphoræ depuratæ*, cum guttulis *Olei Olivarum* terendæ, scrupulum, p. 1.
Emplastri Cantharidum unciam . . . p. 24.
 Miscuntur. Paratur ex tempore.
-

EMPLASTRUM CANTHARIDUM CUM EUPHORBIO.

Emplastrum vesicatorium perpetuum
 Janini.

- Rec. *Terebinthinæ venetæ*,
Mastiches pulveratæ, singularum uncias
 sex p. 6.
 Liquatis et colatis admiscuntur

Euphorbii pulverati uncia, p. 1.
Cantharidum pulveratarum uncia duæ p. 2.
 Fit emplastrum.

EMPLASTRUM CERÆ.

Emplastrum citrinum.

Rec. *Resinæ flavæ* libram dimidiam, . . . p. 1.
Sevi bubuli curati,
Ceræ flavæ, singulorum libram cum dimi-
 dia p. 3.
 Simul liquefacta et colata in capsulis refrige-
 rantur.

EMPLASTRUM CONII.

Rec. *Ceræ flavæ* uncias tres, p. 3.
Emplastri plumbici libram p. 12.
 Liquefactis et mixtis admiscentur
Extracti Conii spirituosi uncia duæ. p. 2.
 Fit emplastrum.

EMPLASTRUM GUMMI AMMONIACI SCILLITICUM.

Rec. *Gummi ammoniaci* pulverati libram, p. 1.
Aceti Scillæ libras duas p. 2.
 Gummi ammoniacum cum Aceto Scillæ dilui-
 tur et liquidum in vase fictili vitreato vel por-
 cellaneo inter continuam agitationem evaporat,
 donec justam habeat spissitudinem.

EMPLASTRUM GUMMI-RESINOSUM.

Emplastrum gummosum.

Rec. *Ceræ flavæ* libram dimidiam, p. 1.
Emplastri plumbici libras tres p. 6.

Simul liquefactis, ab igne remotis et paululum refrigeratis, cribrando admiscetur

Gummi ammoniaci,

Galbani, singulorum pulveratorum libra dimidia, p. 1.
ut omnium unitas fiat.

EMPLASTRUM HJÆRNERI.

Emplastrum saponaceo-plumbicum.

Rec. *Cerussæ albæ* pulveratæ uncias novem, p. 18.

Saponis albi hispanici uncias decem, p. 20.

Minii pulverati libram et semis, . . . p. 36.

Olei Olivarum communis uncias quadraginta et quinque p. 90.

Sapo rasmus in oleo liquatur; quo facto pulveres, cum oleo mixti, igni admoventur, usque dum soluti sint et massa colorem castaneum obtinuerit; tum demum adjicitur

Terebinthinæ communis uncia cum dimidia, p. 3.
et fit emplastrum.

EMPLASTRUM HYDRARGYRI.

Rec. *Axungiae curatæ* drachmas duas, . . p. 2.

Terebinthinæ venetæ drachmas novem, p. 9.

Hydrargyri uncias tres p. 24.

Hydrargyro cum Terebinthina, donec majores Hydrargyri globuli evanuerint, contrito additur Axungia, quo facto omnia ad plenam Hydrargyri extinctionem conterantur; tum subigendo cum

Ceræ flavæ uncia una et semis, . . . p. 12.

Emplastri plumbici unciis sex, . . . p. 48.
simul liquatis, in unum coguntur.

EMPLASTRUM HYOSCYAMI.

Ut Emplastrum Conii ex *Extracto Hyoscyami* spirituoso paratur.

EMPLASTRUM MELILOTI.

Rec. *Olei Olivarum communis* uncias octo, p. 2.

Resinæ flavæ,

Ceræ flavæ, singularum libram p. 3.

Colliquatis colatisque ac paullum refrigeratis admiscuntur

Meliloti herbæ pulveratæ uncia sedecim p. 4.

Fit emplastrum.

EMPLASTRUM PICIS.

Rec. *Terebinthinæ venetæ* uncias quattuor, p. 4.

Ceræ flavæ uncias octo, p. 8.

Picis solidæ uncias sedecim, p. 16.

Resinæ flavæ uncias viginti tres p. 23.

Simul liquata colantur et in capsulis, oleo unctis, refrigerantur.

EMPLASTRUM PLUMBICUM.

Emplastrum Oxidi plumbici vel commune.

Rec. *Lithargyrii præparati* partem unam, p. 1.

Olei Olivarum communis partes duas p. 2.

In ahenò capaci mixta, spathulâ continue agitando et Aquam destillatam ferventem, ne humidum deficiat, subinde cauteque instillando, coquuntur ad modicum ignem, donec emplastrum factum sit.

EMPLASTRUM SAPONACEUM.

Emplastrum saponatum.

Rec. *Saponis albi hispanici* uncias tres, . . . p. 1.

Emplastri plumbici libras duas p. 8.

Simul liquata igni admoventur, usque dum colorem castaneum acceperint.

EMPLASTRUM STOMACHICUM.

Emplastrum aromaticum.

Rec. *Terebinthinæ communis* unciam, . . . p. 8.

Sevi ovilli curati uncias tres, p. 24.

Ceræ flavæ uncias quattuor p. 32.

Colliquatis colatisque ac semirefrigeratis immiscentur

Ætherolei Menthæ piperitidis,

Ætherolei Caryophyllorum, singulorum

drachma, p. 1.

Olei Nucis moschatæ drachmæ sex, . . . p. 6.

Benzoës amygdaloidis pulveratæ uncia, p. 8.

Olibani pulverati uncia duæ p. 16.

Fit emplastrum in vase, probe clauso, servandum.

EMPLASTRUM ZINCICO-PLUMBICUM.

Emplastrum diapompholygos.

Rec. *Olei Olivarum communis* uncias sex, p. 12.

Ceræ flavæ libram unam p. 24.

Colliquatis subigendo admiscentur

Olibani pulverati uncia una et semis, p. 3.

Oxidi zincici uncia tres, p. 6.

Cerussæ albæ pulveratæ uncia quattuor, p. 8.

Graphitæ pulverati uncia sex p. 12.

Fit emplastrum.

EMULSIONES.

Quum, in emulsionibus parandis, materiæ emulgendæ cum liquido quodam diluendæ sunt, hoc tali modo efficitur, ut in mortario lapideo cum liquidi pauxillo primum in pultem mollem terantur, cui deinde, quæ superest liquidi pars, inter tritrandum sensim additur.

Omnes ex tempore parantur.

EMULSIO AMYGDALINA.

Emulsio communis.

Amygdalæ dulces Aquâ fervidâ infunduntur; deinde, post horæ quadrantem, vel quum, inter digitos leviter pressæ, cuticulam facile amittant, decorticantur.

Amygdalarum ita decorticatarum uncia una et dimidia p. 3.
una cum *Sacchari albi* pulverati uncia, sensim addenda, p. 2.
in mortario lapideo, affundendo *Aquæ destillatæ* unciam circiter unam et contundendo, in massam penitus pultaceam redigitur, cui inter triturationem additur

Aquæ destillatæ tantum, ut fiat, lenissime exprimendo, colatura libræ unius (p. 24).

EMULSIO ASSÆ FOETIDÆ.

Mixtura Assæ foetidæ.

Rec. *Assæ foetidæ* pulveratæ drachmas duas, p. 1.
Aquæ Menthæ piperitidis uncias quatuor p. 16.
Terendo fit emulsio.

EMULSIO CAMPHORATA.

loco Mucilaginis camphoratæ.

- Rec. *Camphoræ depuratæ* grana sex, . . . p. 1.
Gummi arabici pulverati drachmam dimidiam, p. 5.
Emulsionis amygdalinæ uncias sex . p. 480.
 E contritis fit emulsio.
-

EMULSIO CANNABINA.

- Rec. *Sacchari albi* pulverati unciam dimidiam, p. 1.
Cannabis seminum unciam et semis . . p. 3.
 Fit, ut de Emulsione amygdalina præscriptum est, emulsio libræ unius p. 24.
-

EMULSIO CORNUS CERVI USTI.

Decoctum album.

- Rec. *Cornus Cervi usti præparati*,
Gummi arabici, singulorum unciam dimidiam, p. 1.
Aquæ destillatæ libram p. 24.
 Paullum ebulliunt. Refrigeratis admiscetur
Syrupi Amygdalarum uncia dimidia p. 1.
 Datur sine colatura.
-

EMULSIO GUAJACINA.

Mixtura Gummi Guajaci.

- Rec. *Gummi arabici* pulverati drachmam, p. 1.
Guajaci resinæ pulveratæ drachmas duas, p. 2.
Sacchari albi pulverati drachmas sex p. 6.
 Optime contritis additur sensim
Aquæ Menthæ piperitidis tantum,
 ut fiat emulsio libræ dimidiæ p. 48.
-

EMULSIO GUMMOSA.

Emulsio Gummi arabici.

Rec. *Gummi arabici* pulverati drachmas duas, p. 1.*Emulsionis amygdalinæ* uncias sex . . p. 24.

Terendo miscentur.

EMULSIO GUMMI AMMONIACI.

Lac ammoniacum.

Fit eodem modo, ac Emulsio Assæ foetidæ,
e *Gummi ammoniaco* pulverato.

EMULSIO HYDROCYANICA.

♂

Rec. *Amygdalini* grana duodecim, p. 1.*Emulsionis amygdalinæ* uncias duas . p. 80.In lagena claudenda miscentur et per horam,
interdum quassando, macerantur.

EMULSIO MYRRHÆ FERRATA.

loco Mixturæ Myrrhæ Griffithi.

Rec. *Myrrhæ electæ* pulveratæ drachmam p. 12.

Diluitur terendo cum

Aquæ menthæ piperitidis unciis sex et di-
midia p. 624.

Dein colatis adduntur

Sulphatis ferrosi scrupulus, p. 4.*Carbonatis kalici puri* grana viginti et

quinque, p. 5.

Syrupi Sacchari drachmæ duæ, . . . p. 24.*Tincturæ lavendulæ aromaticæ* drachmæ

sex p. 72.

EMULSIO SALINA.

Rec. *Amygdalarum dulcium* excorticatarum et
contusarum unciam, p. 8.

Mellis depurati unciam unam et dimi-
diam p. 12.

Contrita cum

Aquæ destillatæ tanta copia
diluuntur, ut, solutis in emulsione

Tartratis kalici drachmis tribus, . . . p. 3.
fiat colatura libræ unius p. 96.

ENEMATA.

Quum jubentur, haud cunctanter paranda.

ENEMA COMMUNE.

Rec. *Avenæ crinnorum* uncias duas, . . . p. 1.

Aquæ fluvialis libras duas p. 12.

Coquantur ad colaturam libræ unius (p. 6),
in qua solvuntur

Salis communis pulverati uncia duæ . p. 1.

Huic decocto, semper in promptu habendo et
in cella servando, quum jubetur Enema, inter
quassandum addendæ sunt

Olei Olivarum communis uncia duæ . p. 1.

ENEMA NICOTIANÆ.

Rec. *Nicotianæ foliorum* comminutorum drach-
mam unam p. 1.

Infunduntur cum

Aquæ destillatæ fervidæ unciis octo, p. 64.
et per horæ quadrantem inter agitandum mace-
rantur; dein colantur.

8

ENEMA OPII.

Rec. *Amyli* drachmas duas p. 4.

Cum exigua Aquæ copia trituratæ

Aquæ destillatæ ferventis uncis quattuor p. 64.
sensim et inter agitandum admiscentur. Quum
in unum coierint, additur

Tincturæ Opii drachma dimidia p. 1.

EXTRACTA.

In extractis, summâ curâ parandis, id agendum, ut aquæ, ubi eâ opus sit, quam minima copia adhibeatur et inter evaporandum ille semper caloris gradus teneatur, quem præbet balneum vaporis. Quum ad justam spissitudinem redacta sunt (sub finem evaporationis, inter continuam cum spathula agitationem), etiam nunc calentia immittuntur in vasa vitrea, post refrigerationem epistomiis vitreis arcte claudenda et loco frigido servanda.

Vasa, in quibus fit evaporatio, porcellanea sint vel e stanno puro confecta.

EXTRACTUM ABSINTHII.

Rec. *Absinthii summitatum*, minutim concisarum,
quantum placet.

Cum *Aquæ destillatæ* ferventis sufficiente quantitate in pulvem fluidam rediguntur et, in dolio tecto interdum agitata, per horas viginti quattuor macerantur. Tum puls illa, sacculis linteis inclusa, prelo exprimitur; residuum vero cum *Aquæ destillatæ* fervidæ minori, quam antea adhibita fuerit, copiâ in pultis lentæ formam denuo redigitur exprimiturque post duodecim horarum macerationem. Quæ expressa

sunt liquida, in vasis figulinis vitreatis vel ligneis per noctem mixta relinquuntur, ut subsidat sedimentum; tum per pannum colantur et ad justam spissitudinem evaporant.

Fit etiam expressio sine sacculis et quidem commodius, prelo in dolium, apte ad id fabricatum, intrante.

✕

EXTRACTUM ACONITI.

Aconiti folia recentia, paullulum concisa, in mortario lapideo contunduntur, sub finem addendo foliorum libris singulis *Aquæ destillatæ* uncias duas, ut fiat massa pultacea, quæ, sacculis linteis inclusa, prelo fortiter exprimitur. Succus inde profectus leni igne ad ebullitionem calefit, per pannum traiecitur et ad syrupi spissitudinem vaporando redigitur.

Hujus succi partibus duabus, in lagenam immisiss, *Spiritus concentrati* partes tres adduntur; quæ mixta optime conquassantur et per noctem seponuntur. Tum liquor supernatans primum, postea cetera colo chartaceo, antea madefacto, caute infundenda sunt et Spiritu edulcoranda; quæ vero colando clara facta sunt ad spiritum fugandum destillant. Liquor residuus, denuo colatus, ad extracti spissitudinem vaporat.

✕ EXTRACTUM ACONITI SPIRITUOSUM.

Rec. *Aconiti foliorum siccatorum* partem unam,
Spiritus diluti partes duas.

Folia grandiuscule pulverata in cucurbita vel lagena amplioris orificii per nycthemeron inter agitandum

agitandum cum Spiritu digeruntur. Expressione forti deinde institutâ, residuo

Spiritus diluti pars una et dimidia denuo superinfunditur; quæ, iterum digesta, bene exprimuntur. E liquoribus colatis Spiritus destillatione separandus est, et residuum denuo colatum lege artis inspissandum.

✠ EXTRACTUM BELLADONNÆ.

Paratur e *Belladonnæ foliis*, ut Extractum Aconiti spirituosum.

EXTRACTUM BETULÆ.

E *Betulæ foliis* recentibus, ut Extractum Absinthii, paratur.

EXTRACTUM CARDUI BENEDICTI.

Paratur, ut Extractum Absinthii, e *Cardui benedicti foliis*.

EXTRACTUM CASCARILLÆ.

Rec. *Cascarillæ corticis* contusi partem unam,
Aquæ destillatæ ferventis partes tres.

Post unicam ebullitionem lenem exprimendo colantur. Residuum iterum leniter coquitur cum *Aquæ destillatæ* partibus tribus et liquor exprimitur atque colatur; idque iteratur, donec aqua nullum saporem inde trahat.

Liquores, qui singulis ebullitionibus proveniunt, separatim ad syrupi spissitudinem vaporando rediguntur; tunc omnes commiscuntur et ad justam consistentiam vaporant.

EXTRACTUM CENTAURII MINORIS.

E *Centaurii minoris summitatibus* paratur eodem modo, quo Extractum Absinthii.

EXTRACTUM CHAMOMILLÆ.

Paratur e *Chamomillæ nostratis floribus* eodem modo, ac Extractum Absinthii.

EXTRACTUM CINÆ.

Rec. *Cinæ levanticiæ* pulveratæ quantum placet, *Ætheris* sufficientem quantitatem.

In apparatu idoneo, ut de Acido quercitanico jam præceptum est, instructo, Cina *Æthere* ter quaterve extrahitur. E liquoribus æthereis commixtis et, si opus est, colatis, quod cito et per infundibulum, laminâ vitreâ tectum, fieri debet, *Ætheris* quinque circiter sextæ partes destillatione evocantur; residuum vero in patina porcellanea vaporando comminuitur, ut fiat extractum.

EXTRACTUM CINCHONÆ.

E *Cinchonæ regiæ cortice* paratur, ut Extractum Cascarillæ.

EXTRACTUM COLOCYNTHIDIS COMPOSITUM.

Rec. *Colocynthidis pulpæ* uncias quattuor, p. 16.
Aquæ destillatæ libras quattuor. . . p. 192.

Modico igne decoquantur ad dimidium, et humor colatus balnei vaporis calore vaporat,

donec in mellis spissitudinem coierit. Tum admiscetur in pulverem tenuem tritorum

Caryophyllorum drachmæ duæ, . . . p. 1.

Scammonii aleppensis uncia duæ, . . p. 8.

Aloës lucidæ uncia quattuor, . . . p. 16.

et miscela, vaporando exsiccata atque pulverata, servatur.

✂ EXTRACTUM CONII.

(Extractum Cicutæ interdum dictum.)

Paratur e *Conii herba recenti* eodem modo, ac Extractum Aconiti.

EXTRACTUM CONII SPIRITUOSUM. ✂

E *Conii herba siccata* paratur, ut Extractum Aconiti spirituosum.

EXTRACTUM DULCAMARÆ.

Paratur e *Dulcamaræ stipitibus*, ut Extractum Absinthii.

EXTRACTUM ENULÆ.

Rec. *Enulæ radices*, in pulverem grandiusculum redactæ, quantum placet.

Digerendo cum miscela e

Spiritus diluti

et *Aquæ destillatæ*, singulorum partibus æqualibus bis terve extrahitur. Liquores spirituosi colati, separato destillatione Spiritu, ad extracti spissitudinem rediguntur.

EXTRACTUM GENTIANÆ.

E *Gentianæ radice* concisa eodem modo paratur, quo Extractum Absinthii; sed Aquâ tepidâ extrahendum est.

EXTRACTUM HELLEBORI NIGRI. ♂

Ex *Hellebori nigri radice* incisa paratur, ut Extractum Cascarillæ.

EXTRACTUM HYOSCYAMI. ♂

Paratur ex *Hyoscyami foliis recentibus*, ut Extractum Aconiti.

♂ EXTRACTUM HYOSCYAMI SPIRITUOSUM.

Paratur ex *Hyoscyami foliis siccatis* eodem modo, quo Extractum Aconiti spirituosum.

EXTRACTUM JALAPPÆ.

Rec. *Jalappæ radicis* contritæ libram, . . . p. 1.

Spiritus concentrati libras quinque . . p. 5.

Macerantur modico calore, inter agitandum, per triduum, et effunditur tinctura. Residuum cum

Aquæ destillatæ libris duodecim . . . p. 12.

decoquitur ad colaturam unciarum triginta duarum. Dein tinctura et decoctum, separatim collata, minuuntur, hoc evaporando, illa destillando, donec spissescere incipiant. Postremo, quæ restant, miscentur et, inter assiduam cum spatula agitationem, exsiccantur. Pulveratum servatur extractum.

EXTRACTUM JUGLANDIUM.

Juglandium putamina, mixta cum *Aquæ destillatæ* parva copia, contunduntur in vase lapideo vel ligneo. Liquor inde expressus vaporat, donec mellis spissitudinem habeat.

EXTRACTUM LIQUIRITIÆ.

Ut Extractum Gentianæ e *Liquiritiæ radice* parandum est.

EXTRACTUM LUPULI.

E *Lupuli strobilis* paratur eodem modo, quo Extractum Absinthii.

EXTRACTUM MEZEREI.

Rec. *Mezerei corticis* partem unam,
Spiritus concentrati partes tres.

Cortex, concisus et in mortario ferreo cum exigua Spiritus quantitate contusus, digeritur cum Spiritu per horas triginta sex, vas subinde agitando et sub finem in balneo aquæ paulum calefaciendo. Liquore post refrigerium decantato, residuum fortiter exprimitur et cum nova Spiritus copia digeritur, donec hic quam minimo sapore inficiatur. Liquores mixti et per chartam colati destillant ad remanentiam sextæ partis, quæ dein vaporat ad extractum.

EXTRACTUM MILLEFOLII.

Paratur e *Millefolii summitatibus*, ut Extractum Absinthii.

EXTRACTUM NICOTIANÆ. ♂

E *Nicotianæ foliis recentibus*, ut Extractum Aconiti, paratur.

EXTRACTUM NICOTIANÆ SPIRITUOSUM. ♂

Paratur e *Nicotianæ foliis siccatis*, ut Extractum Aconiti spirituosum.

EXTRACTUM NUCIS VOMICÆ. ♂

Fit, ut Extractum Mezerei, e *Nucibus vomica rasis*.

EXTRACTUM POLYPODII.

E *Polypodii radice* paratur, ut Extractum Gentianæ.

EXTRACTUM POMORUM FERRATUM.

Rec. *Pomorum acidulorum excorticorum* libras duas, p. 6.

Limaturæ ferri uncias quattuor . . . p. 1.

In lebete e ferro fuso mixta, aquâ adpersâ, in pulvem tenuem rediguntur, quæ, interdum agitata, per dies quattuordecim ad viginti digeritur, aquam evaporatione dissipatam restituendo. Tum tantum *Aquæ destillatæ* affunditur, ut habeas pulvem tenuiorem, quæ post aliquot horas, sacculis linteis inclusa, prelo fortiter exprimitur. Residuo, adjectâ aquâ, denuo expresso, liquores juncti, quum seponendo et colando depurati sunt, in vase porcellaneo ad justam spissitudinem rediguntur.

EXTRACTUM RHEI.

Rhei indici radice, in taleolas minutas dissectæ, pars una

Aquæ destillatæ tepidæ partibus quattuor infunditur. Macerata per nycthemeron, sacculo linteo inclusa, preli ope exprimuntur. Residuo tres *Aquæ destillatæ* partes affunduntur et, per duodecim horas macerata, iterum exprimuntur. Liquores per chartam, subinde renovandam, colati, ad consistentiam massæ pilularis inspissantur.

♂

EXTRACTUM STRAMONII.

Paratur e *Stramonii seminibus*, ut Extractum Aconiti spirituosum.

EXTRACTUM TARAXACI.

E *Taraxaci radice recenti* paratur, ut Extractum Absinthii.

EXTRACTUM TRIFOLII AQUATICI.

Paratur e *Trifolii aquatici foliis*, ut Extractum Absinthii.

EXTRACTUM VALERIANÆ.

Paratur e *Valerianæ minoris radice*, granditer pulverata, eodem modo, quo Extractum Aconiti spirituosum.

FARINA HORDEI PRÆPARATA.

Rec. *Hordei Farinæ* libras sex.

Immittuntur in sacculum linteum, ita colligandum, ut inter farinam et ligaturam nullum